


Sel Prestuhn
Dieter F. Uchtdorf

Mwet in Kahsruh Ahkluo
ke Prestuhnsi Se Met



Mwet Suwohs Fah Moul ke Luhlahlfongi

Mwet Luti ac Mwet Oraclah Sop

Oasr sramsram mahtuh se luhn Mwet Jew ke mwet orek sop se suc tiac luhlahlfongi ke God. Sie lwen ah ke el fahsr wi sie mwet luti, el fahk, “Oasr sie ma nga tiac kahlwem kac. Oasr alu ke tausin yac. Tuhsruhk acn nuh kwewa kom ngwet nuh we oasr ma koluk, fohkfohk, kuhtasrihk, sesuwoshs, ngal, masrinsrwacl, ac ma upac. Ma kahlwem uh pa alu uh tiacna ahkwoyelah facluh. Na pa nga siyuck sum, mwe wo kac uh?”

Mwet luti sac tiac tohpohkohl tuhsruhk tahfwelah na in wi mwet orek sop sac fahsr. Tiac paht eltahl sun nien sritacl se suc ma tuhlihk srihsrihk, suc srwacsralah ke fohkfohk, elos sritacl ke fohkfohk ah.

“Oasr ma se nga tiac kahlwem kac,” mwet luti sac fahk. “Ngwetlah liye tuhlihk ngi. Oasr sop yohrohsr ke yac tausin, a tuhlihk ngi fohkfohk. Mwe meac sop uh?”

Mwet orek sop sac topuk, “Mwet luti, tiac fal in uliyac sop uh ke fohkfohk luhn tuhlihk inge. Sop uh enenuh in orekmakihnyuck in muh kuh in oraclah srihpac la an.”

Mwet luti sac isracsr ac fahk, “Ma na pwacye se.”

Kuht Ac Moul Fuhkah?

Mwet Sap Paul, el kalweni sie fahk luhn mwet pahluh ke Wuhlweacng Mahtuh, ahkfortoyelah lah meac kalmac in sie mwet luhlahlfongi ke el suhmuhslah, “El su aksuwosyeyuk ye mutun God ke lulalfongi fah moul.” (Rome 1:17).

Sahp ke sap fihsrwacsr se inge kuht kahlwem ke siena inmahrton sie alu ma muhnahs ac tiac kuh in ekuhllah

ma uh ac sie alu ma oasr kuh la in ekuhllah moul uh.

Tuh in kahlwem ke kalmeyacn moulkihn luhlahlfongi, kuht enenuh in kahlwem kac lah meac luhlahlfongi.

Luhlahlfongi el yohk likina luhlahlfongi. El luhlahlfongi fas se in God suc ma weacng orekma.

El yohk likina kena uh.

Yohk likina kuht in muhta na, srihmsrihm, ac fahk muh kuht insese. Ke kuht fahk, “el su aksuwosyeyuk ye mutun God *ke lulalfongi fa moul*,” kalmac pa kuht kolyuck ac sapkihnyuck ke luhlahlfongi lasr. Kuhtorekma ke sie ohiyac ma ac fal nuh ke luhlahlfongi lasr—tiac mwe na ahkos tuhsruhk ke srihpen luhlahlfongi ac luhngse pwacye nuh sin God lasr ac ke lahlmwetmwet sacohk ma El ahkkahlwemye nuh sin tuhlihk Nahtuhl.

Luhlahlfongi ac orekma enenuh in tuhkweni fahsr; fin tiac luhlahlfongi sac misac (liye James 2:17). Tiac luhlahlfongi pa inge. Wacngihn kuh la in ekuhllah sie fanna mwet, a faskah facluh.

Mukul ac muhtwacn ma oasr ke luhlahlfongi uh luhlahlfongi ke Pahpah pahkotwen tuhmwaclos Inkuhsrao—finne ke pacl ahlohloh, finne ke pacl tahfuh luo ac pacl upac ke elos ac tiac arlac liye ma uh kuh tiac kahlwem kac uh.

Mukul ac muhtwacn ma luhlahlfongi uh insacnweacng in fahsr ke inkacnek luhn etahwi ac kwacfwacng in ukwe srihkasrak luhn Mwet Lahngo lalos, Jisus Kraist. Luhlahlfongi uh mokle ac, pwacyena, kol kuht in furok insiyacsr nuh inkuhsrao ac saplaklac, tahpuhk, ac ahkinsewowoye mwet wiyacsr.

Alu ma wacngihn orekma kac uh el oacna sop ma oan-na ke pohk la an. Yohk ma el kuh in oraclah, tuh pwacye-iyac ah srihklac kuh la in oruh ma uh in eklac nekena el oraclah srihpac pwacye la an. Wosasuc fohlohkihnyuckyak luhn Jisus Kraist pa sie wosasuc ke mukwikwi. Alu luhn Jisus Kraist luti alu pwacye oacna sie pweng luhn finsrak, luhlahlfongi, ac luhngse, wi kahsrh mwet sahyac ke moul in nguhn ac mahno lalos.

Kuhtuh mahlwem somlah ah, muhtwacn kiyuck, Harriet, ac nga tuh oruh muhtwacta in sucu lasr wi kuhtuh sin tuhlihk nahtuhsr fin acn Mediterranean ac. Kuht muhtwacta nuh ke kuhtuh kacm sin mwet kahingkihn mweun ac ohsun nuh sin sucu ma tuhkuh ke acn kuhnanuclac ke mweun uh. Mwet inge tiac ma ke luhlahlfongi se lasr inge, tuhsruhk elos tamuhlwel ac tahmtahel wiyacsr ac elos enenuh kahsrh ke pacl na sa. Insiyacsr lihksreni na moklweyuckyak ke kuht puhlakihn luhlahlfongi fokoko luhn mempucr wiyacsr ke Alu uh ke elos use kahsrh, taptap, ac finsrak nuh sin mwet wiyacsr ma enenuh kahsrh uh, finne elos ma ke siena alu, muhtuhnfacl, kuh lutlut.

Luhlahlfongi ma kuhpahsryang nuh ke orekma uh el nwacklah insiyac uh ke kuhlwacong, nuhnak uh ke lahmwet-mwet ac kahlwem, ac nguha uh ke mihs lac ac luhngse.

Luhlahlfongi lasr uh kuh in ahkinsewowoye ac ahksuwohsyelah kwewana mwet raunikuhtlac ac kuht.

Luhlahlfongi lasr uh kuh in koanwelah facluh ke ma wo ac mihs lac.

Luhlahlfongi lasr uh kuh in ekuhllah srahngwesroa nuh ke luhngse ac mwet lokoalok nuh ke kawuck.

Mwet suwohs, emet ah, ke moulkihn luhlahlfongi; elos moul ke luhlahlfongi ke God ac fahsr ke inkacnek Lal.

Ac pa ingacn kain in luhlahlfongi ma kuh in ekuhllah kais sie mwet, sucu, muhtuhnfacl, ac facluh uh.

LUTI KE PWENG SE INGE

Prestuhn Uchtdorf el ahkuhtweyac lah luhlahlfongi el yohk likina in ahkkahlwemye luhlahlfongi. Luhlalfongi pwacye ke Pahpah Lucng ac Jisus Kraist enenuh orekma, ac moulkihn luhlahlfongi uh oasr kuh se la in ekuhllah moul ac loh m uh. Kom kuh in suli elos suc kom luti an in akacsruhi ke pacl ma elos tuh liye mwe insewowo ac kuh ma tuhkuh ke moulkihn luhlahlfongi—ke ma elos puhlakihn kuh ma elos liye mwet sahyac puhlakihn. Ahkkweyacos in pruhe suk kolyuck in etuh lah elos ac moulkihn wosasuc uh fuhkah.

MWET FUHSR

Kuhlwaconsapuh Mwet Sahyac ke Luhlalfongi

Prestuhn Uchtdorf el fahk nuh sesr lah luhlahlfongi lasr ke God *enenuh* in “wi orekma fahsr.” Ke luhlahlfongi lasr “kuhpahsryang nuh ke orekma,” el ahkuhtweyac, el “nwacklah . . . nguha uh ke mihs lac ac luhngse.” Ke olwelah nuh ke mwe insewowo se inge, kuht *kuh* in oruh eklac, ac kuht kuh in liye ma se inge ke moul lasr fin kuht sang pacl lasr in oruh kuhlwaconsap lasr-ke luhlahlfongi. Kom kuh in pruhe ke kais sie lutu-tacng in siyuck sin Leum ke kahsrh in kuhlwaconsapuh mwet sahyac. Pa nuh ke, siyuck Sel in ahkkahlwemye nuh sum ke pacl tuhlihk wiyom enenuh kahsrh ke ma kunaclos kuh ke pacl sie kawuck el enenuh kahs in ahkkweye. Na, fin kom eis kolyuck, sroacng oruh! Fin kom oruh tuh pruhe ac kuhlwaconsap inge in mwe pahlah se lom, na luhlahlfongi, ac orekma lom ac ahkinsewowoye moul lom ac moul luhn mwet sahyac. Prestuhn Uchtdorf el olwelah muh kom “kuh in ekuhllah kais sie mwet, sucu, muhtuhnfacl, ac facluh.”

TUHLIHK SRIHSRIHK

Luhlahlfongi

Oruh sritacl se inge yurin sie kawuck an. Kom enenuh in luhlahlfongi ac ukwe ma elos fahk uh ahkwoyac.

Eis sie ipin pwepuh ac srolwaclah sie raun an kac ma luhmweyuck nuh ke sie muhta. Sruok soko pen kuh pinsucl an, kaliyac motom. Lwelah kawuck se lom an in fahk lah kom ac sruhluh oyac ahtron muhta, infwac, inwacluh, ac aunsifac ke muhta se inge. Na ngwetwacng liye. Fuhkah sroal sac? Kom kuh in tuhnwaclah muhta sac ac srolwaclah sie pac in sulpac oruh sritacl sacn!

Kuhtuh pacl uh upac in ukwe ma fwack uh. Tuhsruhke ke kuht srihke in ukwe Pahpah Lucng ke kuht lohng Nguhn Muhtahl uh, El ac kahsrwe kuht. Kuht kuh in luhlahlfongi Kac pacl nuh kwewa.

© 2017 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/16. Ahkkweyeyucklac ke lweng: 6/16. Lwenglah luhn *First Presidency Message, April 2017*. Kosraean. 97924 868



Olwelah ac Olweacng luhn Pristut

Pruhe in luthutkihñ kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti ac ahkoelah fuhkah tuhlihñ muhtwacn nuhtin God nuh ke mwe insewowo ke moul ma pahtpaht uh?

Luhlahlfongi, Sucu, Kahsruh

Fin yohk luhpan kahlwem lasr ke orekma luhn olwelah ac olweacng luhn pristut ke moul lasr ke kuht ekihn tahmtahel uh, kuht ac eis yohk mwe insewowo ac olwelah ke pristut.

Elder M. Russel Ballard ke U luhn Mwet Sap Singucul Luo el fahk, “Elos kwewa ma olwelah nuh sin Leum ac suc liyacacng olwelah ingacn fah kuh in eis ma lukmac la sifacna, in fah ahkinsewowoyeyuck ke lutiyuck luhn lihpufacn uh, in sramsram yurin God, in ipeis ke fohnlah luhn wosasuc, ac, yohk liki nuh kwewa, in fah mwet usruwi Jisus Kraist ke ma nuh kwewa luhn Pahpah tuhmasr.”¹

Mwe insewowo ac olwelah nuh ke olwelah ac olweacng luhn pristut ma nuh sin kwewana mukul ac muhtwacn uh. Tahmtahel Sheri L. Dew, mahn mwet kahsruh ke Rilif Sosaiti Prestuhñsi, el fahk, “Fohnlah luhn pristut ma nwacnwack akwuck fuhlwact emet ke lohm sin Leum kuh in eisyuck muhkwena sin

mukul ac muhtwacn fin eltahl tuhkweni.”²

Tahmtahel Linda K. Burton, Prestuhn Luhlahp luhn Rilif Sosaiti, el tahfwelah pahng se inge, “Nga suli kowos in esamyac olwelah ac olweacng luhn pristut, suc ma kuh in konweyuckyak ke Doctrine and Covenants 84:33–44. Ke kom oruh uh, Nga olwelah nuh suwos lah Nguhn Muhtahl ac ahkyohkyelihk kahlwem lom ke pristut ac mokle ac sruhk kom ke inkacnek wowo pucspuc.”³

Kahs in kol lal Joseph Smith nuh sin Rilif Sosaiti ma oruh in ahkoelah muhtwacn uh in “tuhkuh in eis pacl wowo & mwe insewowo & mwe sang luhn pristut.” Ma se inge kuh in ahksahfyeyucklac ke akwuck luhn tempuhl uh.

“Akwuck luhn tempuhl [pa] akwuck luhn pristut, tuhsruhk elos [pa] tiac sang ohfohs fuhlwact muhtahl nuh sin mukul ac muhtwacn uh. [Akwuck inge ahkpwacweye] olwelah luhn Leum lah mwet

lal—muhtwacn ac mukul uh—ac fah eis mwe sang muhtahl ke kuh sin acn fuhlwactlacna’ [D&C 38:32].”⁴

Ma Suhmuhsalah ac Koano in Weacng

Doctrine and Covenants 84:19–40; 121:45–46; reliefsociety.lds.org

MWE KAHSRUH

1. M. Russell Ballard, “Men and Women and Priesthood Power,” *Liahona*, Septempuh 2014, 36.
2. Sheri L. Dew, ke *Daughters in My Kingdom: The History and Work of Relief Society* (2011), 128.
3. Linda K. Burton, “Priesthood Power—Available to All,” *Ensign*, Jun 2014, 39–40.
4. Sifac ke Wosasuc, “Joseph Smith’s Teachings about Priesthood, Temple, and Women,” topics.lds.org.

Nuhkuh Ma se Inge

Meac kom kuh in oruh in kahlwem na pwacye ac puhlakihn mwe insewowo ma uliyuck nuh ke olwelah ac olweacng luhn pristut uh?